

EPISTOLA XLI.  
diti SANCTITATIS VESTRAE pedes humillime ex-  
osculamur

Vallisoleti die 15. Dec. an. 1789.

P. Fr. Joseph la Rode Guard. Observ.

P. Fr. Augustinus a Salceda Guardianus.

P. Fr. Joseph Huerta Commendator

Fr. Isidorus de Roa Prior

P. Fr. Joseph a Sma Trinitate Praesidens.

EPISTOLA XLII.

Admodum Reverendorum Praesulum  
Regularium Civitatis Zacatecarum

BEATISSIME PATER.

DEI omnipotentis gloria, mirabilis in Sanctis suis, olim novi hujus Orbis Incolarum corda permovit, ut ad Jesu Christi in terris vices gerentem proni, ac provoluti, orando, per litteras irent, ut quas mittebant humillimas preces, non pateretur irritas fore, cui utpote Dominici gregis, per universum Orbem diffusi, cura, et patrocinium superna dispositione mandatum, quorumlibet pia vota Fidelium, ad exauditio- nis gratiam, datum est libenter admittere. Rogabant igitur, postquam ad mortis occasum lacrymosa facie videre pertingere Virum utique Sanctitate famosum, Fratrem scilicet Antonium Margil a Jesu, Seraphici In- stituti Sancti Francisci Cultorem, in Vineam Domini Operarium pervigilem, Collegiorum de Propaganda Fide Fundatorem egregium, qui Dei charitate flagrans animarum zelo exardescens, hujus mundi plagas ope- rum, ac verbi sui lucibus, veluti sol radiantissimus per gyrum lustravit; nedum Fideles a via vitae devios ad meliorem frugem revocando, verum et infidelitatis barathro absortos, sacro Fonte tinctos sinui Ecclesiae aggregando: ut de plenitudine benignitatis Apostoli- cae, quando fieri posset, ad Orientem illum dignaretur redire: ut in Ecclesiae Coelo inter Sanctos relatus,

6784.  
Marcellus Americanus  
Sol Fidelium, et In-  
fidelium corda lustra-  
vit.

in perpetuas aeternitates invitaret ad gloriam, quos informarat ad vitam. Ratione censuit merito dignum ad tam pias, demissasque obsecrationes cunctarum gentium Supremus Parens, tum Clemens, Divina providentia Papa XIII., Clemens in Orbe dignus praedicari, faciles aures inclinare. Anno igitur a partu Virginis millesimo septingentesimo sexagesimo nono in lucem proditae fuerunt, quas unanimo corde inhiabant, litterae remissoriales, et compulsoriae pro praememorati Servi Dei Causae introductione, proque sui processuum confectioe, ne inconstanti hominum fallibili memoria, rerumque omnium tempore edace, ab hic habitantium mirabilium suorum testium aspectu, oblitteratus prorsus recederet.

Verum cum multis transactis diebus, inscrutabili Dei Sapientiae iudicio, Sanctaeque Romanae capitis experta solertia, in tanti ponderis rebus cogitato gressu petente, ad praesens non plena vota facta videantur; ardens populorum cura, qua sua pectora incalentia, atque in praedicti Dei Servi praeconia assidue, et merito ora laxantia, optatissimum diem venturum expectant, quo, si infallibili voce Antonius ad Sacras Aras ascenderit, honores in Ecclesia Sanctis Viris impensos, illi gaudentes libare contendent: haec ardens populorum cura, Deique praecipue Altissimi gloria, qua Praedecessores nostri jure merito ad suprainstantias tum sese moveri putarunt; haec mentes nostras, BEATISSIME PATER, nostras scilicet, Oppidi Zacatecanensis Regularium Praesulum nunc inducit, ac instat, ut ad Sacros VESTRAE SANCTITATIS pedes demisse proclives, attento vigilemus studio semel

§. 83.  
Pro colendo Margilio  
incensa Populorum  
vota.

mel, iterum, atque iterum a VESTRA efflagitandi BEATITUDINE, ut praedicti Servi Dei Antonii Margil a Jesu incoeptam Beatitudinis Causam, ex Tua edita Sede cunctis ex partibus undique aspicias, quodque ei meritum jure coelorum, certe contingit, omnes per Te dignoscamus. Hoc, coelo favente, de Tua fieri pietate sperantes manemus. Quod si jam factum viderimus, ingens nimium erit nobis de ejus felicitate laetitia, Petri Sancti venerandae Tiarae decus grandescet in auctum, ab eo sic honoratae, quem sic honoravit. Ac, quod omnia superexpectandum apparet, Altissimi Numinis ineffabilis gloria in cunctis Nationibus a solis ortu usque ad occasum sane laudabitur. Sic tui, BEATISSIME PATER, obsequentissimi filii filialis amoris vocibus, ac reverentiae efflagitamus: et ut noster vere Parens Clemens exaudire digneris, assidue Deum deprecamur, ut sicut PIUM te constituit, sic pie de coelo respiciat, ut Christianas oves bonus Pastor abunde pascens, vere PIUS in terra dicaris, usque dum cursum consumans, Petri fidem finaliter servans, coronam justitiae justus Judex tuo capiti reddat in illa die, qua te aeternaliter beet. Sic desideramus. In hoc S.P. Dominici Conventu Zacatecanensi tertio Kalendas Januarii Anni Domini MDCCLXXXIX.

Vestros pedes deosculantur tui devotissimi filii.  
Fr. Josephus Naranjo Superior, atque Praesidens  
Fr. Franciscus Nepomucenus Barragan Guardianus  
Fr. Emanuel Escalera Prior  
Fr. Josephus Martinez Comendator  
Fr. Josephus Saavedra Prior

§. 86.  
Petri Cathedra a  
Margilio voce sancta  
que honorata ab Ipso  
ad Aras evecto splendius  
decorabitur.

## EPISTOLA XLIII.

*Adm. Reverendorum Praesulum Regularium  
Ordinum Civitatis Queretari.*

SANCTISSIMO DOMINO NOSTRO

PIO SEXTO

PONTIFICI MAXIMO

BEATISSIME PATER

**S**uperiores Regulares infrascripti Monasteriorum  
Ordinum Mendicantium erectorum in Civitate nuncu-  
pata Queretaro Diocesis Mexicanae in America Se-  
ptentrionali SANCTITATIS VESTRAE pedibus pro-  
voluti humiliter exponimus.

Quod cum confecti in his Partibus, plurium an-  
norum decursu, autoritate Apostolica Processus pro  
Beatificatione Venerabilis Servi Dei *Antonii Margil*,  
nunc tandem per Portitorem ad hoc deputatum, Urbem  
mittantur, ut a Sacra Rituum Congregatione in exa-  
men vocentur, praedicti Oratores, una cum horum  
omnium Populorum votis, opportunum judicamus eni-  
xe a SANCTITATE VESTRA postulare, ut eun-  
dem Dei Servum, quem pie credimus gloria, et honore  
a Domino coronatum, publico in Ecclesia cultu vene-  
rari permittat. Fama enim Sanctitatis praedicti Vene-  
rabilis, apud has gentes in dies increbrescit, Beato-  
rumque cultu illum honorare in votis est, a quo pabulo

## EPISTOLA XLIII. 99

verbi Dei saepissime enutritae ad virtutem, pietatis-  
que studium fuerunt accensae. Etiamnum, BEATIS-  
SIME PATER, tota haec Civitas, finitimique Pagi  
Ven. Virum austeritatibus, laboribusque Apostolicis  
attritum, et pene consumptum, vix è Barbarorum Re-  
gionibus reducem indefesse incumbere praedicationi,  
Indos, rudesque Fidei Mysteriis imbueret summa suavi-  
tate, et patientia, sacrasque confessiones excipere me-  
minerunt. Maxima ex hinc devotio Populorum, reli-  
quorumque status Ordinum erga Ven. Servum Dei, è  
cujus legitima per Apostolicum Oraculum inter Beatos  
recensione augeri pietatem in Deum, Neophytosque in  
Sancta Fide Catholica Romana confirmari speramus.

Ea propter, BEATISSIME PATER, a VESTRA  
SANCTITATE, idem quod olim ab Apostolica sua  
Sede Decessores in officio nostri, instantissime expo-  
stulamus, ut nimirum Dei Servum *Antonium Margil*,  
quem de hac Americana Ecclesia optime meritum pro-  
pter Apostolicos in ea impensos labores conspicimus,  
VESTRAE BEATITUDINIS Decretis Beatam hono-  
remus. Interim, BEATISSIME PATER, Deum  
Optimum Maximum summis precibus exoramus, ut  
BEATITUDINEM VESTRAM ad multos annos su-  
perstitem, ac incolumem reddat, ad totius Ecclesiae  
suae decus, et incrementum. Ex hac Civitate de Que-  
retaro die 20. Januarii anni Domini 1790.

BEATISSIME PATER.

Sanctitatis Vestrae humillimi et devotissimi fi-  
lii, qui Sacros pedes deosculantur

*Fr. Salvator Manzano et Oro Prae. Gen. Prior,  
et Vicarius Provinciae Ord. Praedicator.*

§. 87.  
*Margilii laudes enor-  
runt Populi, et Ame-  
ricana annuntiat Ec-  
clesia.*

§. 88.  
*V. S. D. Cultus Neo-  
phytos roborabit in  
Fide.*

## EPISTOLA XLIII.

Fr. Joseph de Soria Min. Observ. S. Francisci  
Guard.




Fr. Joseph Ruiz de Cardenas Minor. Discalceat.  
Guard.

Fr. Franciscus Frias Prior Ord. Eremit. S.P. Au-  
gustini.

Fr. Dominicus a S. Martino Prior Carmelit.

Fr. Ignatius Nava Prior Hospitalit.

Fr. Joseph Diaz Romero Ord. B. Mariae Virginis  
de Mercede



## EPISTOLA XLIV.

Adm. Reverendorum Praesulum Apostolici  
Collegii de Propaganda Fide S. Ferdinandi  
Civitatis Mexici

SANCTISSIMO DOMINO NOSTRO  
P I O S E X T O  
PONTIFICI MAXIMO.

BEATISSIME PATER

**G**uardianus, et Discreti Apostolici Seminarii de  
Propaganda Fide Sancti Ferdinandi de Mexico SAN-  
CTITATIS VESTRAE pedibus, qua decet animi  
demissione provoluti, humillimas preces prostrare  
audent, ut Processus in Causa Ven. Servi Dei Fratris  
*Antonii Margil*, olim in his partibus Missionarii, Apo-  
stolica auctoritate formati, quique ad Sacram Rituum  
Congregationem examinandi transmittuntur, diu expe-  
ctatum sortiantur exitum; licet nostra commendatione  
nullatenus egere videatur, Vir nempe, quem Deus  
commendat, qui zelo zelatus pro Domino Deo exer-  
citiuum ejus gloriam in hac novi orbis magna mirifice  
amplificavit. Apostolico namque ardore repletus, et  
Divina virtute suffultus, tamquam lucerna lucens, et  
ardens, peccatores ad poenitentiam reduxit, toepidos  
accendit, frigescentes inflammavit, justos ad amplio-  
rem justitiam evexit, omnes denique Christi Fideles  
heroicis suis Virtutibus aedificavit, et ad sui nedum.

§. 89.  
Velut lucerna in Can-  
delabro posita vitam  
irradiavit Americam

imitationem, sed et admirationem traxit. Testantur adhuc vestigia relicta, fragrantia videlicet odoris illius, de quo Apostolus; *Christi bonus odor sumus in omni loco*, memoria ejus in benedictione persistens, ut alia omittamus, quae recensere longum esset. Sed nec tanta egisse, tot labores exantlasse inter Fideles contentus, Infidelium Regiones penetravit, ut sedentes ipsos in tenebris, et umbra mortis illuminaret, ipsorumque devios pedes in viam pacis dirigeret.

Hunc ergo virum, dilectum Deo, et Homini- bus, BEATISSIME PATER, quem pio, humano tamen judicio, credimus a Christo Domino gloria, et honore coronatum in Coelis, enixe rogamus, ut vestro Oraculo, cujus in ore verbum Domini verum est, venerari liceat in terris similem factum in Gloria Sanctorum, ut in ipso impleatur, quod dictum a Domino est: *quicumque glorificaverit me, glorificabo eum*. Deum autem Optimum Maximum, cujus vices SANCTITAS VESTRA in terra gerit, summo affectu deprecamur, ut ad Ecclesiae universalis bonum diu incolu- mem servet.

Dat. Mexici die decima nona Aprilis Anni 1790.

BEATISSIME PATER

Sanctitatis Vestrae Filioli, qui Sacros pedes af- fectuosissime deosculantes Apostolicam bene- dictionem expetunt.

*Fr. Paulus Mugartegui Guardianus*

*Fr. Joannes Sancho Ex-Guardianus*

*Fr. Dominicus Galiana Discretus*

*Fr. Thomas de Pangua Discretus*

*Fr. Marianus ab Olmedo Discretus*

*Fr. Matthias Antonius de Noriega Pro-Discretus*

§. 90.  
Sedentes in umbra  
mortis Evangelii luce  
illuminavit.

## EPISTOLA XLV.

*Adm. Reverendorum Praesulum Apostolici  
Collegii de Propaganda Fide S. Crucis  
Civitatis Queretari.*

SANCTISSIMO DOMINO NOSTRO

PIO SEXTO

PONTIFICI MAXIMO

BEATISSIME PATER

**G**uardianus cum Discretis Apostolici Seminarii de Propaganda Fide Sanctae Crucis nuncupati in Civitate Queretarensi Diocesis Mexicanae in America Septentrionali erecti, SANCTITATIS VESTRAE pedibus toto ore pronus demississime exponit:

Quod cum Processus, qui pro Ven. Servi Dei Antonii Margil Beatificatione multis jam ab hinc retro annis in his Americae partibus Apostolica conficiebantur autoritate nunc tandem Urbem a Sacra Rituum Congregatione trutinandi mittantur, Populorum vota, ejusdem Ven. Servi Dei virtutum odor suavissimus sparsus, nostrique omnium hujus Seminarii habitatorum, ubi adhuc aedificatricis ejus vitae exemplum respirare videtur, gratissimi nexus coegere, ut ad Apostolicam tuam Sedem, è qua toti Dei Ecclesiae pietatis eximiae splendoribus illuces, BEATISSIME PATER, supplices nos abiiceremus, non modo nostras, verum, et totius hujus Septentrionalis Americae preces oblaturi, ut per SANCTITATEM TUAM nobis omnibus liceat eundem Ven. Dei Servum Antonium Margil Sanctorum

fastis adscriptum venerari. Quot vero hinc fidelibus Populis in via veritatis usurae, quantorum votis satis cumulatè fiet, hoc idem est, BEATISSIME PATER, quod nobis dictu difficile censemus. Pietatis, enim, in Deum ignes, quos dum vitam agebat mortalem in cordibus plurimorum nunc vitae superstitem Fidelium Vir eximius accendit, fovitque de ipsius ad publicae venerationis legitima evectione fastigium violentius exardescit: In primis vero Seminarii hujus alumnos, quod ipse operis incoepit prosequentes culturam ipsius exempla contra omnes tribulationum impetus fortius instruent, accendentque.

§. 91.  
Patris gloria alumnos  
filiosque ad imita-  
tionem accendet.

Haec sunt, BEATISSIME PATER, quae nos ad SANCTITATIS TUÆ pedes accedere impulerunt. Interea Deum Optim. Maxim., ut TE, BEATISSIME PATER, in Sancta, et Apostolica Sede, qua par fulges Diademate summo coronatus ad plurimos annos Ecclesiae suae Universali faurum incolumem reddat, sospitetque precamur. Datis Queretari ad Kalendaras Februarii An. publ. salutis 1790.

## BEATISSIME PATER

Sanctitatis Vestrae humillimi, et devotissimi filii, qui sacros Pedes deosculantur

Fr. Joannes a Lias Guardianus

Fr. Joannes Dominicus Arricivita Ex-Commis-  
sarius, et Praefectus Missionum.

Fr. Joseph Antonius Bernad Ex-Guardianus

Fr. Ragnaldus Carthagenæ Ex-Guardianus

Fr. Antonius Losilla Discretus

Fr. Franciscus Miralles Discretus

Fr. Didacus Mendivil Pro-Discretus

Fr. Antonius Serra Pro-Discretus.

## EPISTOLA XLVI.

Adm. Reverendorum Praesulum Apostolici  
Collegii S. Mariae de Guadalupe  
Civitatis Zacatecarum.

## BEATISSIME PATER.

Seminarium Apostolicum Deiparae Dominae nostrae, vulgo de Guadalupe in Occiduo Americano nuncupatum Regularis Observantiae S. P. S. Francisci prope Zacatecanensem Civitatem Dioeceseos Guadalaxarensis situm, diu à Ven. Patris Fr. Antonii Margilii a Jesu Zelo eximio excogitatum, omni cura perquisitum, ac demum supremis placitu Pontificio, Regioque consensu obtentis enixè a fundamentis extractum, adeo tanto viro, quo nullus illius Protoparens, vel Praesul primus extiterit, jure omni sese, et gratitudine merito astrictum esse dignoscitur, veluti a quo in haereditatem paternam, nedum sacrum, quod proficitur de Propaganda Fide Institutum sartum tectum accepit; verum et specimina egregia, quibus Missionarii Apostolici toto hoc novo Orbe Fidelium peregrantes, ejusque praedicationis munera, aequè ac vestigia prementes infirma ediscerent confirmare, disrupta consolidare, depravata convertere, et cunctis Christifidelibus alendis verbum vitae in aeternitatis cibum dispendere ab ipsomet acquisivit; quin etiam Ducem, et Comitem Pater seipsum filiis primum in exemplar praebuit

§. 92.  
Omnibus Evangelicis  
Operariis sese prae-  
buit exemplar.